



МОНГОЛ УЛС
ГОВЬ-АЛТАЙ АЙМГИЙН
ЗАСАГ ДАРГЫН
ЗАХИРАМЖ

2021 оны 10 сарын 18 өдөр

Дугаар А/479

Алтай хот

Г Хорио цээрийн дэглэм тогтоох тухай Г

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2 дахь хэсэг, 29.1.3-ын "А" дахь заалт, Мал амьтны эрүүл мэндийн тухай хуулийн 17 дугаар зүйлийн 17.2 дахь хэсэг, 17.2.2 дахь заалт, Гамшгаас хамгаалах тухай хуулийн 10 дугаар зүйлийн 10.4.4 дэх заалт, Засгийн газрын 2018 оны 266 дугаар тогтоолыг тус тус үндэслэн ЗАХИРАМЖЛАХ нь:

1.Шарга сумын Улаантуг, Тайшир сумын Хуримт, Есөнбулаг сумын Рашаант багт мал, амьтны гоц халдварт "Шүлхий" өвчин оношлогдон тархалтын хүрээ нэмэгдэж байгаа тул өвчин дамжин тархахаас урьдчилан сэргийлэх, голомтыг устгах, таслан зогсоох зорилгоор 2021 оны 10 дугаар сарын 18-ны өдрөөс эхлэн аймгийн хэмжээнд хорио цээрийн дэглэмийг тогтоосугай.

2.Мал амьтны гоц халдварт өвчин гарсан голомт бүхий бүс нутгийн айл өрхүүдийн шилжилт хөдөлгөөнийг 2021 оны 10 дугаар сарын 18-ны өдрөөс 12 дугаар сарын 31-ний өдрийг дуустал хугацаанд зогсоож, гадны аймаг, сум болон өөрийн аймгийн бусад сумдын нутаг дэвсгэрээс мал амьтан нэвтрүүлэх, худалдах, отор нүүдэл, шилжилт хөдөлгөөн, уралдаан зохион байгуулах зэрэг бусад чиглэлийн үйл ажиллагааг бүрэн хориглохыг Цагдаагийн газар (Н.Эрдэнэ-Очир), Онцгой байдлын газар (Л.Баянбаатар), холбогдох сумдын Засаг дарга наарт тус тус үүрэг болгосугай.

3.Шүлхий өвчинтэй тэмцэх, урьдчилан сэргийлэх, халдвартыг таслан зогсоох, голомтыг устгах үйл ажиллагааг эрчимжүүлж, мэргэжил арга зүйн удирдлагаар ханган, үр дунг танилцуулж ажиллахыг Мал эмнэлгийн газар (Д.Наянбуу)-т үүрэг болгосугай.

4.Захирамжийн хэрэгжилтэд хяналт тавьж ажиллахыг Хөрөнгө оруулалт, хөгжлийн бодлого төлөвлөлтийн хэлтэс (Ж.Мөнхцэцэг), Мэргэжлийн хяналтын газар (Н.Сумьяабазар)-т тус тус даалгасугай.

ЗАСАГ ДАРГА

О.АМГАЛАНБААТАР